

# Wozjewjenje wólbow

1. Dnja **1. septembra 2019** wotměja so **wólby do 7. Sakskeho krajneho sejma**.  
Wólby traja wot 8.00 do 18.00 hodź.
2. Město Kamjenc so do 19 powšitkownych wólbnych wobwodow rozrjaduje.

We wólbnych zdžělenkach, kotrež buchu wólbokmanym hač do 11. awgusta 2019 připóslane, podawa-tej so wólbny wobwod a wólbna rumnosć, hdžež ma wólbokmany wolić.  
Hač su wólbne rumnosće bjez barjerow abo nic, je we wólbnych zdžělenkach tohorunja podate.

Předsydstwa za listowe wólby so k přizwolenju wólbnych listow kaž tež k wuličenju a zwěsćenju wuslědka listowych wólbow na wólbny dnju w 16.00 hodź we žurli Kamjenskeje radnicy, 2. poschód, zeńdu. Radnica je wot zadneho zachoda bjez barjery přistupna.

3. Kóždy wólbokmany móže jenož we wólbnej rumnosći wólbneho wobwoda wolić, w kotrymž je w zapisu wolerjow registrowany.  
Wolerjo maja wólbnu zdžělenku a swój personalny wupokaz abo pućowanski pas na wólby sobu při-njesć. Wólbnu zdžělenku maja při wólbach wotedać.

Wólby so z hamtsce zhotowjenymi hłosowanskimi lisćikami přewjedu. Kóždy woler dóstanje, do wólbneje rumnosće zastupiwši, hłosowanski lisćik.

Kóždy woler ma jedyn direktny hłos a jedyn hłos za lisćinu. Ličba sydłow jednotliwych stronow w Sakskim krajnym sejmje so jenož z ličby hłosow za lisćinu wuliči.

Hłosowanski lisćik wobsahuje stajnje pod běžnym čisłom

a) za wólby we wólbny wokrjesu mjena direktnych kandidatow přizwolenych namjetow z wólbneho wokrjesa, při wólbnych namjetach z wólbneho wokrjesa ze stron stronow tež mjeno strony a - jeli skrótšenku wužiwa - tež skrótšenku, při druhich wólbnych namjetach z wólbneho wokrjesa nimo toho značku a na prawym boku mjena kóždeho kandidata kruh za nakřižikowanje.

b) za wólby po krajnych lisćinach mjeno stronow a - jeli skrótšenku wužiwaja - tež skrótšenku, a stajnje mjena přěnych pjeć kandidatow přizwolenych krajnych lisćinow a na lěwym boku mjena strony kruh za nakřižikowanje.

Woler woteda

swój direktny hłos z tym,

zo do jednoho z kruhow w lěwym dźělu hłosowanskeho lisćika křižik sćini abo na hinaše wašnje jasnje woznamjeni, za kotreho kandidata hłosuje,

a swój hłos za lisćinu z tym,

zo do jednoho z kruhow w prawym dźělu hłosowanskeho lisćika křižik sćini abo na hinaše wašnje jasnje woznamjeni, za kotru kraju lisćinu hłosuje.

Hłosowanski lisćik dyrbi woler we wólbnej kabinje wólbneje rumnosće abo we wosebitej pódlanskej rumnosći woznamjenić a tak sfałdować, zo so njehodži spóznać, kak je hłosował. We wólbnej kabinje so njesmě fotografować abo filmować.

4. Wólbny akt kaž tež po wólbny akće so wotměwace wuličenje a zwěsćenje wuslědka wólbow we wólbny wobwodze su zjawne. Kóždy ma přistup, je-li to bjez wobmjezowanja wotběha wólbow móžno.
5. Wolerjo, kotřiž maja wólbny lisćik, móža so na wólbach we wólbny wokrjesu, w kotrymž bu wólbny lisćik wudaty, wobdžělić
  - a) z wotedaćom hłosa w kóždymžkuli wólbny wobwodze tutoho wólbneho wokrjesa abo
  - b) přez wólby z listom.

Štóž chce z listom wolić, dyrbi sej wot měščanskeho zarjada hamtski hłosowanski lisćik, hamtsku wólbnu wobalku kaž tež hamtsku wobalku za wólbny list wobstarać a swój wólbny list z hłosowanskim lisćikom (w začinjenej wólbnej wobalce) a podpisanym wólbny lisćikom sčasom na adresu sposrědkować, kotraž so na wólbnej wobalce podawa, tak zo je tam najpozdžišo na dnju wólbow hač do 16 hodź. dóšla. Wólbny list móže so tež na podatym městnje wotedać.

6. Kóždy wólbokmany móže swoje wólbne prawo jenož jónu a jenož wosobinsce wukonjeć (§ 13 wotrězk 4 Sakskeho zakonja wo wólbach).  
Štóž njewoprawnjeny woli abo na druge wašnje njeprawy wuslědk wólbow wuskutkuje abo wuslědk sfałšuje, so z maksimalnje pjeć lětami jatby abo z pjenježnej pokutu pochłosta. Pospyt je chłostajomny (§ 107a wotrězkaj 1 a 3 chłostanskeho zakonika).  
Na tutym městnje skedźbnimy na přidatne wuwjedženja pod čisłom 6 němskorěčneho wozjewjenja.